

# DIFFICULTATES B R E V E S

PROPOSITÆ

Eximio atque Ampliss. Viro

MARTINO STEYAERT

S U P E R

DECLARATIONE MENTIS SUÆ


CIRCA DOCTRINAM

De *Tarditate Conversionis*, quam se apud SANCTAM  
SEDEM accusare proficitur :

U B I

Et discutitur Doctrina ejus De *Conversione repentina*, atque  
examine Sedis Apostolicæ subijcitur.



*Bibl. Secr.*  *Coll. Home Soc. Sc.*

COLONIÆ AGRIPPINÆ

Apud JOANNEM WILLELMUM FRIESSEM Juniorem.

M. DC. XCH.

DIFFICULTIES

B. R. V. N. S.

1801-1802

THE

MARTINO STEVART

OF

THE

OF

THE

THE

THE

THE

THE

THE

THE

COLONIAL AGRICULTURE

THE

THE

## EXIMIE ATQUE AMPLISSIME DOMINE

**M**iraberis fortè, nos ad *Declarationem* tuam filere tam diu, tantâque patientiâ sustinere Scriptum turbulentissimum, quo profiteris palam, accusare Te apud S. Sedem doctrinam de *tarditate conversionis*, quam Eximii Tui in S. Facultate Collegæ ut sanam & orthodoxam in Schola Lovaniensi tuerentur. Verum nolimus præcipitantes videri, aut tui similes; qui etsi ad tot Difficultates, quæ Tibi moventur undique tam graves, tanto jam tempore obmutueris; hic tamen ne unum quidem diem filere potuisti ad *Thesim* Eximii Collegæ tui, in qua mentis tuæ circa conversionem peccatoris inconstantia obliquè notari videbatur.

*Thesis* erat ejusmodi: "Psal. 118. *In toto corde meo ex-*  
*quisivi te.* Sic tenetur peccator Deum suum exquirere, il-  
 lum super omnia amando: ad quam dispositionem solet  
 tantum pederentim pervenire, cum non adeo *obvia sit a-*  
*morosa illa dispositio.*" Sic *Thesis*, defendenda 23. Februarii  
 1693. Præsidente Eximio D. Guilielmo Renardi.

Eâ ipsâ die evulgas *Declarationem* tuam, tot turbati animi signis plenam, ut quisquis te nosset, tuam esse faciliè agnosceret.

Dum nuper, ais, approbari *Declarationem* Ex. D. *Franeisci*  
*Martin*, parùm equidem cogitavi cogendum me esse intra dies pau-  
 culos edere non absimilem, & quidem circa doctrinam, à qua scie-  
 bar remotissimus. Coactus sum tamen.

*Quippe non jam Libellis anonymis, non jam per homines à Facultate nostra utriusque potestatis Decreto exclusos, sed per Theſim in Scholâ publicâ defendendam, ab aliquo, qui se pro dictâ Facultatis membro gerit, oblique producor, tamquam qui faveam aut faverim aliquando sententia, quam hoc ipso tempore apud S. Sedem accuso.*

Quot & quantæ tibi super his moveri possent *Difficultates*; si nil nobis propositum foret, quàm difficultates movere. Ac primùm quæreremus, quo pacto approbare potueris *Declarationem* Ex. D. Francisci MARTIN asseverantis tenere se doctrinam de Gratia per se & ab intrinseco efficaci, quem certò constat non ita pridem in Seminario Mechliniensem doctrinam ut hæreticam explosisse?

Deindè, undè tibi tam subita cum Viro isto amicitia? An quòd iuvandæ causæ tuæ adversus tuos illos Jansenistas & Rigidistas opportunus sit?

An quòd ad augendum tuorum numerum saltem idoneus?

An quòd doctrina tua doctrinæ ipsius, & praxis praxi consentiat?

An quòd adoraverit Te, professusque sit, in omnibus se Amplitudini Vestræ obsecuturum?

An quòd eorum, qui Jansenistas oppugnant, Te Caput agnoverit?

Si me audis, numquam tibi, Vir Amplissime, excidat istud; quòd post adoratam nuper Amplitudinem tuam, vix portâ egressus, homo vel secundùm sæculum imprudentissimus, dixit: *Quàm vult iste homo adorari!*

Prætercà quis coëgit Te *Declarationem* edere? An Eximius, & nunc Magnus, Renardi? Citavit, fateor hæc verba. *Non ad id obvia est amorosa illa dispositio*, & caractere italico distinxit: sed queri de hoc non potes. Nam etsi hæc verba tua sint, regulam tamen continent generalem, quâ ut ipse usus es ad stabiliendam sententiam tuam, ita  
usus

usus est ille ad confirmandam suam. Neque verò propterea asseruit favere te, aut fuisse aliquando sententia: à qua nunc es remotissimus; sed favere Te illi debere, ex tuis verbis oblique insinuavit.

*At Declarationem edere coactus sum, ais: quippe non jam Libellis anonymis, non jam per homines à Facultate nostra utriusque potestatis Decreto exclusos, sed per Thesim in Schola publica defendendam, ab aliquo, qui se pro dictæ Facultatis membro gerit, oblique producor &c.*

Præclarum effugium! Ideò scilicet ad tot Difficultates tibi propositas, aliaque tam multa obmutescis, quia anonyma sunt: ad hanc verò Thesim continere te non potes, quia in Schola publica præsidente Eximio ac Magnifico Domino *Renardi* defendenda est.

Benè habet: si animus Tibi est non silere ad ea, quæ anonyma non sunt, habes *Pastorem Bonum Opstrati* non anonymum, in quo tuarum de Pœnitentia Thesium doctrina (nomine tamen tuo non expresso) evertitur; habes *Quæstiones varias* ejusdem Authoris; habes *Dissertationem ipsius Theologicam de Praxi administrandi Sacramentum Pœnitentia*: cur files ad hæc tam diu, qui ne uno quidem die ferre potes Thesim Eximii *Renardi*?

Nimirum terrere illum vis, & nascentem adhuc in Te Virum, ne te premat aliquando, violentè opprimere. Verùm adeò ille impetus tuos non extimescit; ut die 9. Martii, non multò post *Declarationem* tuam, rursus præfederit Thesi, in qua eam ipsam doctrinam, cui te inimicum declaras, jam non eximie solùm, sed & magnificè propugnat.

Sunt & alia in *Declaratione* tua, super quibus possent tibi *Difficultates* non leves proponi: sed ad id quod præcipuum est festinamus, experturi, tuanè potiùs accusantis, an eorum, quos accusas, doctrina apud S. Sedem accusanda sit?

*Doctrina, quam se apud S. Sedem accusare proficitur Eximius ac Amplissimus Stejartius.*

**D**OCTRINAM, quam apud S. Sedem accuso, ait, hæc est: Quod qui peccatum mortale admisit, passim vel ordinariè non disponatur ad illius remissionem etiam per Sacramentum Pœnitentiæ percipiendam, nisi tardè, nisi pœnitentim, per opera preparatoria: unde sit, ut nisi opera talia præmiserint pœnitentes (quod constat fieri satis tardè) primâ vice quâ ad confessionem accedunt, absolvi à Sacerdote non debeant, sed remitti donec pœnitentim & tarde per opera ejusmodi ad absolutionis gratiam se disposuerint.

Dixi, ait, QUI PECCATUM MORTALE ADMISIT: quia de CONSUETUDINARIIS, quibusdam RECIDIVIS, verum Fidei GNARIS, in OCCASIONE peccatorum hærentibus, & his similibus, non est questio, sed indefinît de PECCATORIBUS.

Hanc doctrinam contendi hærenus, & contendo, esse à praxi Ecclesiæ Catholice alienam, atque earum facile principem, quæ Eximio D. GUNNARO HUYGENS, ipsique confederati sunt peculiares.

De hac deinde accusat Eximium SULLIVANUS: Virum item Eximium & nunc Magnificum RENOI.

Sed an iustè, Difficultates mox illi proponendæ ac devotandæ, ostendunt.

*Doctrina Stejartii examini S. Sedis subijcienda.*

**H**odie absolvit Ecclesiæ ordinariâ lege immediatè post confessionem. . . . Non itaque foret juxta mentem Ecclesiæ, differre absolutionem ei, qui, primâ vice cuiquam confitetur, hoc ipse quo mortale habuerit. . . . Numquam aliàs, nusquam alibi, sic proe dicitur aut processum est, in moderna Ecclesiæ disciplina. Juxta hanc utique qui primâ vice alicui confitetur, licitè absolvitur à mortali, non tamen ubi ante confessionem multa pœnitentiæ exercitia suberit, sed etiam ubi suam saltem conscientiam sedulo discusserit, ad contritionem se excitaverit &c. ATQUE ADEO ET SI RECENS SIT A PECCATO COMMISSO. Ita Stejartius in Thesi de sensu 4. Februarii 1690.

Hanc doctrinam etiam ad ipsam fornicationem extendit, in Dissertatione Epistolari primâ circa finem, ubi sic provocat eos, quos accusat; Ostendans vel in eo (Carolo Borromeo) nutum saltem, nedum verbum, quo significetur, eum qui peccavit mortaliter, ETIAM FORNICATIONE V. g. sineque Consuetudinarius sit, vel Recidivus, vel in occasione proximâ hærens, absolvi non posse, nisi pœnitentiæ opera praviè exercuerit.

Ergo juxta Virum Eximium absolvi debet fornicator, etsi recens sit à fornicatione commissâ, & pœnitentiæ opera praviè non exercuerit.

Et si ad hæc castæ aures exhorrescant, nec magno molimine opus sit, ut doctrina tam scæda evértatur: visum tamen fuit, Difficultates paucas proponere; tum ut appareat, quàm Sacris Litteris, Traditioni, & Patribus conformis sit doctrina, quam accusat, tum ut constet, non immeritò S. Sedis examini subijci doctrinam, quam sustinet.



## D I F F I C U L T A S P R I M A .

**D** Ocent S. Litteræ conversionem cordis , & peccatorum remissionem acquiri non solere , nisi per fructus operum , ut his testimoniis ostenditur :

*Convertimini ad me in toto corde vestro , in Jejunio , & fletu , & planctu &c. Joël. 2.*

*Progenies viperarum , quis demonstravit vobis fugere à ventura ira ? Facite ergo fructus dignos pœnitentiæ. Matth. 3.*

*Pœnitentiam agite , appropinquavit enim regnum Cælorum. Matt. 4.*

*Si pœnitentiam non egeritis , omnes similiter peribitis. Luc. 13.*

*Quid proderit , fratres mei , si fidem quis dicat se habere , opera autem non habeat ? Numquid poterit fides salvare eum ? ... Fides , si non habet opera , mortua est in semetipsa ... EX OPERIBUS JUSTIFICATUR HOMO , ET NON EX FIDE TANTUM. Jac. 2.*

Expende , Vir Amplissime , utri doctrinæ hæc magis consentiant ; an tuæ , quam sustines ; an alienæ , quam accusas ? Si , Teste Salvatore , perituri sint omnes , qui pœnitentiam non egerint ; si , monente Baptista , faciendi sint fructus digni pœnitentiæ , ut fugiatur à ventura ira ; si , docente Jacobo , ex operibus justificetur homo : ubi , quæso , patebit Fornicator tuus , recens à fornicatione commissâ , qui nulla pœnitentiæ opera præmiserit ?

## D I F F I C U L T A S I I .

**D** E Conversione cordis internâ judicandum est ex operibus , non ex verbis , ut patet ex hisce locis :

*A fructibus eorum cognoscetis eos &c. Matt. 7.*

*Non omnis qui dicit mihi , Domine , Domine , intrabit in Regnum Cælorum , sed qui facit voluntatem Patris mei. Ibid.*

*Qui habet mandata mea , & serva ea , ille est qui diligit me. Joan. 14.*

*Qui dicit se nosse eum , & mandata ejus non custodit , mendax est , & in hoc veritas non est. 1. Joan. 2.*

*Ostende mihi fidem tuam sine operibus , & ego ostendam tibi ex operibus fidem meam. Jac. 2.*

Si à fructibus cognoscendi homines ; si ex observatione mandatorum judicandum de amore cordis ; si fides ostendenda ex operibus ; Quid censetis , Vir Eximie , de fornicatore illo tuo , qui recens est à fornicatione commissâ , & nulla pœnitentiæ opera præmisit.

## DIFFICULTAS III.

“**Q**uam ineptum, ait Tertullianus, quam pœnitentiam non adimplere, & veniam delictorum sustinere? Hoc est, pretium non exhibere, ad mercedem manum emittere? Hoc enim pretio dominus veniam addicere instituit. de Pœnit. cap. 6.

Si hoc pretio Dominus veniam addicere instituit: quâ temeritate, Vir Amplissime, veniam promittis fornicatori, recenti adhuc à fornicatione commissâ, qui pretium istud non exhibet?

## DIFFICULTAS IV.

“**I**n unum convenimus, ait Cyprianus, & scripturis diu ex utraque parte prolatis, temperamentum salubri moderatione libravimus, ut nec in totum spes communicationis & pacis lapsis denegaretur. . . . nec tamen rursus censura Evangelica solveretur, ut ad communicationem temerè prosilirent, sed traheretur diu pœnitentia, & rogaretur dolenter paterna clementia, & examinarentur causæ, & voluntates, & necessitates singulorum.” Epist. 52.

Si scripturis ex utraque parte prolatis, istud temperamentum adhibuerint cum S. Cypriano Patres Africani, *Ut nec in totum spes lapsis denegaretur neque tamen solveretur censura Evangelica, sed diu pœnitentia traheretur*: Quæro, Vir Amplissime, an Scripturas & Evangelium satis expenderis, dum jubes fornicatorem, à fornicatione recentem, nullis præmissis operibus absolvi?

## DIFFICULTAS V.

“**A**bsit ab Ecclesia Romana, ait Clerus Romanus, vigorem suum tam profanâ facilitate dimittere, & nervos severitatis eversa fidei majestate dissolvere, ut cum adhuc non tantùm jaceant, sed & cadant everforum fratrum ruinæ, propter nimis remedia communicationum, utique non profutura præstentur, & nova per misericordiam falsam vulnera veteribus transgressionis vulneribus imprimentur, ut miseris ad eversionem majorem eripiatur & pœnitentia. Ubi enim poterit indulgentiæ medicina procedere, si etiam ipse Medicus interceptâ pœnitentiâ indulget periculis: si tantummodo ope-



„rit vulnus, nec finit necessaria temporis remedia obducere cicatricem.” Apud Cyprian. Epist. 31.

Quæro nunc à te, Amplissime Domine: An fornicatorem, recentem à fornicatione commissum, absque pœnitentiæ operibus, passim absolvere, non sit, *properata nimis remedia præstare*; ac proinde *nova per misericordiam falsam vulnera vulneribus imprimere*? *Misericordiam ad eversionem majoris & pœnitentiæ eripere*? *Intercepta pœnitentiæ, periculis indulgere*? *Vulnus tantummodo operire, nec sinere necessaria temporis remedia obducere cicatricem*?

Quæro, inquam, an hoc non sit *Romanæ Ecclesiæ vigorem profanæ facilitate dimittere & nervos severitatis*, quos tam generosè tenuit Clerus Romanus, *eversâ fidei majestate dissolvere*? Quomodo enim magis dissolvere possis non video, qui & opera pœnitentiæ tollas & moram.

## DIFFICULTAS VI.

„SI vulnus corpori infigatur, ait Origines, aut os confringatur, aut nervorum junctura resolvatur, sub unius horæ spatio hujusmodi vulnera solent corporibus accidere, & plurimis postmodum cruciatibus, & doloribus exactis, multo vix tempore sanari... Transi nunc ab exemplo corporis ad animæ vulnera. Anima quoties peccat, toties vulneratur... Hæc ergo & hujusmodi vulnera quanto tempore putas posse... curari? Sed nos vel cupiditatibus sæculi amentes effecti, vel vitii inebriati sentire non possumus, quanta vulnera, quantas contritiones animæ peccando conquirimus. Et ideo consequentissima ratio est pœnæ, id est, curæ & medicationis tempus extendi, & per unumquodque vulnus pro qualitate plagæ medendi quoque spatia propagari.” Homil. 8. in cap. 13 & 14. Num.

At tu, Vir Amplissime, negas à curatione corporis ad curationem Animi rectè duci exemplum. Fornicatorem scilicet, recenti adhuc fornicationis vulnere, dum suo veluti sanguini innatat, curas repente; & nullo medendi spatio, nullis operibus præmissis, sanitati restituis.

## DIFFICULTAS VII.

„Nonnulli ideo poscunt Pœnitentiæ, ait Ambrosius, ut statim sibi reddi communionem velint. Hi non tam se solvere cupiunt, quam Sacerdotem ligare: suam enim conscientiam non exuunt, Sacerdotis ligant.” Lib. 1. de Pœnit. cap. 16.

Si juxtà Ambrosium suam conscientiam non exuant, Sacerdotis autem ligent, qui petitâ, sed nondum actâ Pœnitentiâ, reddi sibi communionem volunt: quid de Fornicatore tuo, Vir Amplissime, quem recentem à fornicatione commissâ, sine operibus præviis absolvendum esse decernis?

"In ipsâ Ecclesia, inquit idem, ubi maximè misereri decet, teneri, quam maximè debet forma justitiæ: nè quis à communionis consortio abstentus, brevi lachrymulâ, atque ad tempus paratâ. vel etiam levioribus fletibus communionem, quam plurimis debet postulare temporibus, facilitate Sacerdotis extorqueat."

Subjungit: "Hoc ideò dictum est, ut sciamus secundum verbum Dei, secundum rationem, dispensandam esse misericordiam Dei debitoribus." In *Ps.* 58. *Psal.* 118.

Vide ergo, Vir Eximie, an *Secundum verbum Dei*, an *secundum rationem*, misericordiam Dei dispenses, qui nè brevem quidam lachrymulam, aut fletus leviores postulas à fornicatore, sed recentem à fornicatione jubes absolvi?

## DIFFICULTAS VIII.

**A**ugustinus in *Ps.* 4. *Psal.* 6. *Et anima mea turbata est valdè, & tu Domine, usquequo*, ita scribit: "Quis non intelligat signifi-  
cari animam luctantem cum morbis suis: diu autem dilatam à Medico, ut ei persuaderetur in quæ mala se peccando præcipitaverit?  
Quod enim facile sanatur, non multum cavetur; ex difficultate autem sanationis erit diligentior custodia receptæ sanitatis. Non ergo tantum quam crudelis Deus æstimandus est, cui dicitur, *Et Tu, Domine, usquequo*; sed tamquam bonus persuasor animæ, quid mali sibi ipsa pepererit"

Expende, Amplissime Domine, an Deum in sanandis lentè peccatoribus imiteris, qui fornicatorem à fornicatione recentem sine mora absolvis.

Idem in *Psal.* 106. "Potuit, inquit, hoc Dominus sine difficultate præstare; sed si hoc sine difficultate haberemus, largitorem hujus boni non agnosceremus. Si enim primitus, cum vellet, posset, & non sentiret adversus se obtinentes cupiditates, nec vinculis suis gravata anima collideretur, suis viribus tribueret, quod se posse sentiret."

Expende rursus Vir Amplissime, an huic divinæ gratiæ dispensationi tua doctrina & praxis conformis sit: expende, inquam, an periculum ingens

ingens non sit , nè conversionem suam suis viribus tribuat fornicator , qui recens a fornicatione absolvitur.

## D I F F I C U L T A S IX.

„ **M**elius est , ait Chrysostomus , immundo luto pollui , quam peccatis. Nam qui illo est inquinatus , brevi tempore abluitur & redditur ei similis , qui nec ab initio in illam incidit voraginem. „ Qui autem cecidit in barathrum peccati , accipit inquinamentum , quod aquà non mundatur , sed multo eget tempore , perfectaue Pœnitentiâ , lachrymisque ac planctibus , majorique ac vehementiori lamentatione , quam quæ propter charissimos ostenditur. Nam hæ quidem sordes ad nos extrinsecus adveniunt , & ideo eas citò depouimus : illæ autem oriuntur intrinsecus , & ideo vix eas abluentes emendamus. ” Hom. 12. in Epist. ad Heb. in Morali.

Quomodo cum his repentina illa tua conversio , Vir Amplissime , consistit ? Si tibi credimus , jam haud multo difficilius à peccato fornicationis per absolutionem mundatur fornicator , recens etiã à fornicatione commissâ , quam à luto per aquam abluatur , qui eò inquinatus est.

At si Chrysostomo credis , qui incidit in barathrum peccati , multo eget tempore , & vix sordes abluens emendat.

## D I F F I C U L T A S X.

„ **S**ignum veræ conversionis non est in oris Confessione , sed in afflictione Pœnitentiæ. Tunc namque verè conversum peccatorem cernimus , cum dignâ afflictionis austeritate delere nititur , quod loquendo confitetur. Undè Joannes Baptista malè conversos Judæos ad se confluentes increpans ait : *Genimina viperarum quæ ostendit vobis fugere a ventura ira : facite ergo fructus dignos Pœnitentiæ* In fructu ergo , non in foliis , aut ramis , Pœnitentiâ cognoscenda est. Quasi arbor quippè bona voluntas est. Confessionis erga verba quid sunt aliud nisi folia ? Non ergo nobis folia propter ipsa , sed propter fructum expetenda sunt : quia idcirco omnis Confessio peccatorum recipitur , ut fructus Pœnitentiæ subsequatur. Undè & Dominus arborē foliis decoratam , fructu sterilem maledixit , quia Confessionis ornatum non recipit , sine fructu afflictionis. ” Greg. lib. 6. in Reg. cap. 15. versus finem.

Si signum veræ conversionis non est in oris Confessione ; sed in afflictione Pœnitentiæ : si tunc verè conversum peccatorem cernimus , cum dignâ afflictionis austeritate delere nititur , quod loquendo confitetur : si in fructu , non in foliis aut ramis , Pœnitentia cognoscenda est : si Confessionis ornatus recipiendus non est sine fructu afflictionis : Quam precor , Vir Amplissime , securitatem polliceri potes tuo illi fornicatori , qui à fornicatione recens est , & non nisi folia aut ramos , nullos autem Pœnitentiæ fructus ostendit ?

## D I F F I C U L T A S   X I .

**P**ost tot Patres Synodus Tridentina Sess. 14. cap. 2. affirmat , lapsos post baptismum non *Sine magnis fletibus & laboribus* , divinâ id exigente justitiâ , ad novitatem & integritatem per Sacramentum Pœnitentiæ pervenire posse.

Tu , Vir Eximie , sine magnis fletibus & laboribus novitatem & integritatem per Sacramentum Pœnitentiæ , vel fornicatori , etiam recenti à fornicatione commissâ , promittere non dubitas.

Eadem Synodus ibidem testatur , Pœnitentiam *Laboriosum quemdam Baptismum* à Patribus dictum fuisse : At quomodo *Laboriosus* , si tam citò , si sine operibus præparatoriis vel fornicator absolvitur ?

Eadem Synodus Sess. 6. cap. 6. docet , peccatorum ad justificationem disponi per varios actus , *Fidei , timoris , spei , dilectionis Dei , odii & detestationis adversus peccatum , propositi inchoandi novam vitam & servandi divina mandata.*

Credisne hæc omnia , Eximie Domine , vel fornicatori recenti , tam subito , sine magnis precibus & laboribus infundi ?

Si doceat eadem Synodus ibid. cap. 13. homini jam justificato vivendum esse *In laboribus , in vigiliis , in elemosynis , in orationibus , & oblationibus , in jejuniis , & castitate* , ut justitiam jam adeptam conservet : quantis , putas , opus esse censuit peccatori , ut justitiam , quam nondum habet , acquirat ?

Neque enim credo dicturum Te , facilius esse peccatori justitiam acquirere , quam justificato justitiam conservare.

Vide ergo , quot Tibi vel ex solo Concilio Tridentino difficultates nascantur.

## D I F F I C U L T A S   X I I .

**U** Sitata hæc est divinæ misericordiæ simul ac justitiæ ratio , ut Deus non nisi petentibus gratiæ suæ dona largiatur : Quo verò majus est donum

donum quod petitur, eò diutius ac ferventius, ut impetretur, petendum est.

Porro inter dona, quæ peccatori contingere possunt, longè præcipuum est donum conversionis:

Hoc igitur diutius, hoc ferventius, quam cætera, petendum est.

Atqui nè minora quidem dona conceduntur repente:

Igitur nec hoc, quod maximum est, repente conceditur.

Et quomodo repente concederetur, cum concedi non soleat, nisi in Oratione perseverantibus; perseverari autem non possit repente; sed moram temporis perseverantia includat?

Itaque, Amplissime Domine, vel dicere te oportet, ad impetrandum donum conversionis perseveranter orandum non esse; vel si perseveranter orandum sit, conversionem passim non fieri repente.

### DIFFICULTAS XIII.

**Q**uid ad hæc Sacrarum Litterarum, Sanctorum Patrum, & Concilii Tridentini loca responsuruses, *Vix inimicæ? Clamant aperte ea omnia, conversionem peccatoris passim non fieri, Nisi tardè, nisi pedesentim, nisi per opera præparatoria. Quò te vertes?*

Non aliud tibi patet effugium, quam si dicas, Scripturam Sacram, Patres, & Concilium Tridentinum, agere de *Consuetudinariis*, de quibusdam *recidivis*, de rerum fidei *ignaris*, de hærentibus in occasione peccatorum, & his similibus: non verò indefinitè de peccatoribus. Hoc enim dicturum *Te Declaratio* tua insinuat: *Dixi*, inquis, *qui peccatum mortale admisit: quia de Consuetudinariis, quibusdam Recidivis, rerum fidei ignaris, in occasione peccatorum hærentibus, & his similibus, non est quæstio; sed indefinitè de peccatoribus.*

Itaque dum opponetur tibi Joannes Baptista clamans, *Facite ergo fructus dignos Pœnitentiæ*; dices clamare eum ad, *consuetudinarios*, ad quosdam *recidivos*, ad rerum fidei *ignaros*, ad hærentes in occasione, & his similes; sed non ad peccatores, atque adeò fornicatores, quos repente sine fructibus Pœnitentiæ converti affirmas.

Cum opponetur tibi hoc CHRISTI monitum, *A fructibus eorum cognoscetis eos*: repones, *Consuetudinarios* quidem, *Recidivos* quosdam, & his similes, à fructibus cognoscendos; at non illos quos sine fructibus doces passim converti.

Cum objicietur Tibi *Tertullianus*, asserens non alio pretio, quam pœnitentiæ, veniam addici:

Cum *Cyprianus*, & alii Patres Africani, decernentes trahendam esse diu pœnitentiam, ne Censura Evangelica solvatur:

Cum *Clerus Romanus*, affirmans nova per misericordiam falsam vulnera vulneribus imprimi, quando ipsa miseris ad majorem everfionem pœnitentia etipitur:

Cum *Origenes*, docens, ut tardè sanentur vulnera corporis, ita tardè sanari vulnera animæ:

Cum *Ambrosius*, negans brevi lachrymulâ & ad tempus paratâ, communionem facilitate Sacerdotis extorquendam:

Cum *Augustinus*, docens animam luctantem cum morbis suis diù differri à Medico:

Cum *Chrysostomus*, asserverans eum, qui luto peccati inquinatus est, multo egere tempore, ut emundetur:

Cum *Gregorius*, dicens tunc, verè conversum censendum esse peccatorem, cum dignâ afflictionis austeritate delere nititur quod loquendo confitetur:

Cum *Concilium Tridentinum*, definiens ad novitatem & integritatem non sine magnis nostris fletibus & laboribus per Sacramentum pœnitentiæ perveniri; Penitentiam esse laboriosum baptismum &c.

Una erit ad omnia responsio: Patres & Concilia agere tantum de *Consuetudinariis*, de quibusdam *recidivis*, de rerum fidei *ignaris*, de hærentibus in occasione peccatorum, & his similibus; non autem indefinitè de *peccatoribus*.

Sed quid hoc est aliud, quem Patres & Concilia non ultra velle admittere, quam præconceptæ jam opinionioni tux consentiunt; ubi verò adversantur, rejicere? Dic, quæso, ubi sic inter peccatores distinguat Tertullianus? Ubi Cyprianus & Patres Africani? Ubi Clerus Romanus? Quos omnes non de Consuetudinariis, non de recidivis; sed de lapsis semel, & lapsis in gravî persecutione, loqui certum est? Dic ubi sic distinguant Origines, Ambrosius, Augustinus, Chrysostomus, Gregorius? Dic ubi sic distinguat Tridentinum Concilium? Aut ubi sic interpretetur Patres, ut ab illis quidem Pœnitentiæ Sacramentum laboriosum Baptismum dictum fuisse agnoscat, sed non aliis laboriosum quam Consuetudinariis, *Recidivis quibusdam, rerum fidei ignaris, in occasione peccatorum hærentibus, aut his similibus?*

Non quod asseram, eadem omnibus morâ ac Pœnitentiâ opus esse; sed quod passim sine morâ aliqua ac Pœnitentiâ peccator converti non solet.

Itaque, Amplissime Domine, aut sine restrictione Patres & Concilia



lia admitte : aut si eos restringas , quo fundamento id facias , ostende. Fallor, nisi ad praxim communem tanquam ad azilum pro more confugas : experiamur id Difficultate sequente.

THE

# DIFFICULTAS XIV.

**C**oncilia & Patres , inquires , explicandi sunt ex praxi Ecclesiæ : Atqui praxis Ecclesiæ est , mox post lapsum , sine operibus Præviis , absolvere peccatores , qui aut *Consuetudinarii* non sunt , aut cujusdam generis *recidivi* , aut rerum fidei *ignari* , aut in occasione peccatorum hærentes , aut his similes : Igitur Concilia & Patres rectè ad hujusmodi peccatorum genera restringo.

R. Concilia & Patres ex praxi Ecclesiæ explicandos esse admitto libens ; sed praxim Ecclesiæ eam esse , quam praxim Ecclesiæ esse supponis , prorsus inficior.

Praxim Ecclesiæ scilicet eam esse supponis quæ in Ecclesia communis est : sed falleris vehementer ; saltique te adeò solidè demonstravit OPSTRATIUS in *Dissertatione de Praxi administrande Sacramentorum Penitentiae* , ut in hunc usque diem nil ei reponere ausus fueris.

Sed quoniam *Praxis communis* unum tibi est & ultimum receptaculum , quo Scripturâ , Conciliis , & Patribus destitutus , utcumque te tueri conaris : funditus illud evertendum est , eripiendaque fulcrâ omnia , quibus collabescentem causam tuam infelicitè sustentas. Id verò tum demum effecero , cum probavero nullo pacto Te respondere posse argumentis , quibus illa tua de praxi communi sententia expugnatur.

# DIFFICULTAS XV.

**N**Ova argumenta non proferam , Vir Amplissime : sed ut ad vetera respondeas , postulabo.

Ac primum negatur tibi id , quod pro sententiæ tuæ fundamento ponis : *Eam esse praxim Ecclesiæ , quæ in Ecclesia communis est.*

Nec alio hic utar adversus Te testimonio , quam tuo. Meministi , credo , scripsisse Te olim DECURIAM REFLEXIONUM in duos libros R. P. FRANCISCI JACOBI circa *Censuram Illustrissimi ac Reverendissimi Domini EPISCOPI ATREBATENSIS* : ubi ad calcem *Reflexionum* adjicis DIGRESSIONEM DOGMATICAM de praxi communi Ecclesiæ circa administrationem Sacramenti Penitentiae ; in quâ teipsum refutas tam ad rem nostram

nostram appositè, ut non tam pro Censura Illustrissimi Atrebatensis adversus P. Jacops, quam adversus teipsum pro nobis scripsisse videaris. Verba tua sic habe.

Multos turbat (neque adèd mirum) decantatissima illa *Adversariorum ob-  
jectio de communi Ecclesiæ praxi, quasi hæc isti adversetur, quam tuetur  
Censura Atrebatensis, prædicantque bonè qui cum illa sentiunt.*

Valida certè obiectio, nisi invalido niteretur fundamento. Omnino namque improbari debet, quidquid universæ, etiam modernæ, Ecclesiæ praxi non consonat; sed tali praxi, quæ juxta sapientissimam Antistitis reflexionem, ejusdem Ecclesiæ sensui sit conformis, seu quæ Ecclesiæ potius, quam quorundam in Ecclesiæ praxi, sit. Hic autem totius quæstionis cardo est, ut dispiciatur, quænam sit illa praxis, non quorundam, sed Ecclesiæ; hujusque potius, quam illorum regulis conformata.

Ita est, Amplissime Domine: Rectissime tunc sentiebas pro Censura Illustrissimi Atrebatensis, adversus decantatissimam illam nunc tuam objectionem de communi praxi Ecclesiæ: utinam & hodie ita sentires!

Obiciebant tunc Adversarii tui, communem esse praxim Ecclesiæ, *Consuetudinarios passim absolvere.*

Tu communem esse eam praxim non negabas; sed eam propterea esse praxim Ecclesiæ, inficiabaris: siquidem ad praxim Ecclesiæ non sufficere, quod in Ecclesia communis sit; sed ut Ecclesiæ sensui & regulis conformis sit, etiam requiri: alioquin eam quorundam in Ecclesiâ praxim dici posse, ipsius Ecclesiæ praxim dici non posse.

Hunc autem esse totius quæstionis cardinem, ut dispiciatur, quænam sit illa praxis, non quorundam, sed Ecclesiæ; hujusque potius quam illorum regulis conformata.

Utinam, Vir Eximie, sic modo sentires; omnis inter nos quæstio cessaret: nunc quoniam ad nova descivisti, cogimur ipsi antiquum sensum tuum adversus teipsum defendere.

Argumentum porro, quo cum defendimus, hoc est.

## DIFFICULTAS XVI.

**E**A praxis est Ecclesiæ, quæ Ecclesiæ sensui & regulis conformis est:

Atqui praxis in Ecclesia communis, potest non esse Ecclesiæ sensui & regulis conformis:

Igitur praxis in Ecclesia communis potest non esse praxis Ecclesiæ.

Majorem, credo, ut admisisti olim; ita & hodie sine controversia admittes:

mittes: sed negabis Minorem, quamquam de hac olim non magis, quam de Majore dubitaveris.

Aio itaque fieri posse, ut *praxis in Ecclesia communis non sit Ecclesie sensui & regulis conformis.*

Siquidem fieri potest, ut, refrigercente charitate & abundante iniquitate, Ministri Ecclesie à sensu & regulis Ecclesie in praxi sua communiter deficiant: cum enim nihil difficilius sit homini corrupto, quam se sensui & regulis Ecclesie in praxi sua conformare; nihil etiam erit illi proclivius, quam à sensu & regulis Ecclesie in praxi sua deficiere.

Igitur fieri potest, ut Ministri Ecclesie sic communiter deficiant.

Difficultatem hanc non evades, nisi fortè dixeris promissum esse, fore ut Deus Ministros Ecclesie sic in praxi sua communiter deficere non sinat.

At proba quod dicis: provocatus es ab *Opstratio in Dissertatione de praxi Administrandi Sacramentum Pœnitentiæ*, ut vel unum locum è Scriptura vel Traditione proferres, quo simile quid promittitur; provocatus es in Disputationibus publicis non semel: sed nihil prolatum est hætenus: id unum sine Scriptura, sine Traditione assidue repetis, Ecclesiam sic deferendam non esse.

Opposuit tibi *Opstratus* loca Scripturæ Sacræ varia, quibus ostendit, Ecclesiam aliquando deferendam vehementer; quin & venientē filio hominis futurum, ut vix inveniat fidem (quidni & sanam praxim) in terra.

Verum ad hæc fere reponis nihil, nisi tuum illud: *Praxis communis est praxis Ecclesie*; proinde fieri non posse, ut praxis communis sana non sit.

Sic turpiter contrā leges Dialecticæ, dum principium tuum probare deberes, petis principium.

Conaris tamen aliquando principium tuum probare: sed quam infelicitèr, nunc dispiciemus.

## D I F F I C U L T A S    X V I I .

**E**cclēsia, inquis, sunt Pastores Ecclesie & plebs Pastoribus adiunata, igitur illorum praxis est praxis Ecclesie.

Ad hoc responsum, est tibi, fieri posse, ut & Pastores Ecclesie & plebs praxim aliquam exerceant, sic tamen ut eam ipsi non probent: v. g. fieri posse ut Pastores Ecclesie, vel difficultate territi, vel cupiditate

vidi, Consuetudinarios passim abfolvant; etsi eos abfolvendo non esse, satis sciant.

Similiter fieri posse, ut dum rem non examinant, praxim aliquam exerceant & probent; quam tamen, si discuterent penitiùs, minimè probarent.

Denique fieri posse, ut privatim plerique praxim aliquam non exerceant solum, sed & probent; quæ tamen si communi Ecclesiæ consilio, auditis sentiis mutuis, discuteretur, nequaquam sanè ab Ecclesia probaretur.

Pone v. g. plerosque per Orbem Episcopos antè Concilium Tridentinum non prædicasse verbum Dei, quin & sensisse privatim singulos, se ad illud prædicandum non teneri: credisne futurum fuisse, ut idem sentirent in Concilio? Ubi res penitiùs discutebatur? Ubi mutux sententiæ audiebantur? Ubi sententiam dicentibus Spiritus S. assistebat?

Ad hæc nihil Amplitudo Tua: nisi fieri non posse, ut praxis aliqua in Ecclesia communis sit antè Concilium, quæ deinde improbetur in Concilio.

Si rationem postulamus, nullam adfers: sed id ita esse supponis. Cur? Quia alioquin falsum esset tuum principium: *Praxis communis est praxis Ecclesiæ*. Sic in circulum volveris, & ad principium tuum usque & usque revolveris. Dum enim principium tuum probare vis, id assumis, quod si negetur, per aliud probare non potes, quam per ipsum principium, quod probandum est.

Et hæc quidem sufficerent ad repudiandum principium quod astruisti: sed lubet illud aliis argumentis funditus evertere.

## D I F F I C U L T A S    X V I I I .

**S**i praxis in Ecclesia communis sit praxis Ecclesiæ, jam praxis abfolvendi passim Consuetudinarios est praxis Ecclesiæ: nam hæc praxis in Ecclesia communis est.

Atqui hoc ne Amplitudo quidem tua admittit: Ergo &c.

Vim hujus argumenti effugere non potes nisi negando id quod olim Patrl Jacops concedebas, praxim abfolvendi passim Consuetudinarios esse praxim communem: Nunc quoniam ab ea mente descivisti; alios adversus te præter teipsum testes adduxit OPSTRATIUS in *Dissertatione de praxi Ecclesiæ*.

Primus est PATRUS A SOTO, qui praxim illam suo tempore communem

munem fuisse testatur. Verba ipsius vide in *Dissertatione* citata. P. 1. Cap. 1. §. 4.

Alter est Autor *praxis solidæ*, qui non alio propè argumento nititur, quam tuo. Amp.issime Domine, ut praxim absolvendi passim Consuetudinarios defendat. Vide Ibid. p. 3. cap. 1. §. 1.

Tertius est P. JACOBS, qui eandem illam praxim, totius Ecclesiæ esse affirmat. Vide Ibid.

Huic accedunt Autores quadraginta omninò tres, quos pro se citat. Ibid.

Approbatores item ex omni parte Orbis Catholici quam plurimi, qui praxim illam *praxi Ecclesiæ conformem esse* testantur. Ibid.

Adde R. P. ALEXANDRUM à S. Theresia, de quo ibid.

Et quid testes numero? Testes adversum te sunt, tum laxiora, tum *rigidiora sectantes*.

Et laxiores quidem numquam à te dici patientur, praxim suam absolvendi Consuetudinarios, praxim communem non esse: ne præcipuum illis argumentum, quo praxim illam defendunt, eripias.

Rigidiores autem, quos vocas, numquam desinent praxim illam tamquam communem tibi obicere; atque hoc argumento tuam de praxi communi doctrinam convellere.

Aut igitur tibi ad laxiores, quos nobiscum adhuc impugnas, tandem accedendum; aut ab argumento tuo, quo nos impugnas, recedendum.

Audi, quid nuper è laxioribus aliquis: ? Re. &c., inquit, ORSTRATIUS in *Dissertatione de praxi* concludit adversus STEJARTIUM, „qui Consuetudinarios adhuc vetat absolvi; sed non item adversus nos, qui Consuetudinarios absolvimus.”

Quare. Amplissime Domine, nisi ad laxiores magis ac magis indies accesseris; vel ipsorum judicio condemnatus es.

## DIFFICULTAS XIX.

TESTATUR Concilium Delectorum Cardinalium & aliorum Prælatorum sub Paulo III. communes tum per Ecclesiam fuisse abusus gravissimos, atque hunc inter cæteros primum, quod in Ordinatione Clericorum & præsertim Presbyterorum *Nulla adhiberetur cura, nulla diligentia, sed quod passim, quicumque essent, imperitissimi essent, viliissimo genere orti essent, malis moribus ornati essent, admitterentur ad Ordines Sacros, & maxime ad Presbyteratum:*

Et tamen praxis illa ordinandi indignos, non erat praxis Ecclesiæ: Ergo &c.

## DIFFICULTAS XX.

**N**uper in Ecclesia communis erat Probabilistarum doctrina; Et tamen doctrina Probabilistarum non erat doctrina Ecclesiae: Ergo &c.

Quid ad hoc argumentum repones?

An, quod Non in sententiis quibusdam, perinde ut in administratione Sacramentorum, consistat facies nostrae Religionis, quae dignosci queat?

At jam respondit *Opstratus*, veram Ecclesiae Religionem perinde ex sententiis seu doctrina, atque ex Administratione Sacramentorum dignosci: non enim minus falsam dignoscendam Ecclesiae Religionem ex doctrina talia, si eam profiteretur, quam ex Administratione Sacramentorum illegitimam, si eam approbaret.

An dices, falsum esse probabilium doctrinam noxiam ita pervagatam esse hominum mentes & praxim, ut si libros jam & Scholas invadere cepisset?

Sed & hoc ab *Opstratio* refutatum est: "Quam Scholas, omnes, ait, & libros non tantum invadere cepisset, sed jam penitus pervasisset, velex eo collige, quod ne unam quidem Scholam assignare posset, Stejartius, in quam recepta non fuerit. Certè nec Schola Lovanien- sis, quæ præ cæteris à laxitate semper purior extitit, nec Schola Duacensis, ab ea immunes fuerunt. Testes hodieum illius rei extant *Wigerius* & *Sylvius*, quorum ille in Academia Lovanien- si, hic in Duacensi Professor Regius, doctrinam probabilium non docuere solum, sed etiam scriptis edidère.

"Quid cæterarum Academicarum, & Religiosorum Ordinum Scholæ tunc tradiderint; conjici potest ex innumeris propè voluminibus, quæ à variis variarum per Orbem Academicarum atque Ordinum Scriptoribus edita sunt, in quibus unanimi veluti consensu doctrina probabilium ut certa traditur.

"Porro ex Academicis & Scholis prodeunt Sacerdotes, Pastores, Episcopi, alique Ecclesiae Præpositi: qui plerumque tenent eam doctrinam, quam in Academicis & Scholis à suis Magistris hauserunt.

"A Sacerdotibus, Pastoribus, Episcopis, aliisque Ecclesiae Præpositis, doctrina manat in mentes Vulgi; atque hinc in praxim.

"Ut temerè affirmet Stejartius, *Doctrinam probabilium noxiam non ita pervagatam esse hominum mentes & praxim.*" Hæc *Opstratus* in Dissert. de praxi Administ. Sacram. Pœnit. part. I. cap. I. §. 8.

Quid post hæc Stejartius? Nihil: nisi quod vi argumentorum quandòque pressus dixerit; vel doctrinam probabilium non ita communem fuisse;



fuisse ; vel non ita receptam à Vulgo ; vel denique non tanto tempore communem fuisse.

Quod ad duo priora attinet : petit principium *Stejartius* , supponens id quod probandum est , ut solet , dum probare non potest , quod debet. Circa tertium nova Difficultas movenda est.

### D I F F I C U L T A S    X X I .

„ **D** Octrina probabilium , dicit Vir Eximius , etsi ad modicum  
 „ tempus communis in Ecclesia fuisset ; nihil tamen indè conclu-  
 „ di posset adversus praxim Administrandi Sacramentum Pœnitentiæ ,  
 „ quam defendo : utpotè quæ non modico solum tempore , sed jam à  
 „ sæculis aliquot communis in Ecclesia fuerit.”

R. Imò verò multum indè adversus praxim istam concluditur : nam basis præcipua , suprà quam praxim suam fundat Vir Amplissimus , hæc est : *Ea praxis est praxis Ecclesiæ , quæ in Ecclesia communis est* : Basis autem ista corruct ; si praxis aliqua possit esse in Ecclesia communis , quæ tamen non sit praxis Ecclesiæ , eo quod tempore sat longo communis non fuerit. Atque hinc nova Difficultas.

### D I F F I C U L T A S    X X I I .

**D**eterminet Vir Eximius , quanto tempore opus sit , ut praxis in Ecclesia communis , fiat praxis Ecclesiæ.

### D I F F I C U L T A S    X X I I I .

**A**T quoniam hoc difficile videtur , ad primum suum principium recurret ; diceretque praxim omnem , quæ in Ecclesia communis est , esse praxim Ecclesiæ : quia scilicet Ecclesia sunt Pastores , & plebs ; ac proindè horum praxis est praxis Ecclesiæ.

Per me licet , principium istud , dum poterit , tueatur : sed responsionem aliam ad argumentum à doctrina probabilium desumptum , si potest , inveniatur : si non invenerit ; hic tandem se victum fateatur. Sed en Difficultatem aliam.

### D I F F I C U L T A S    X X I V .

**H**æreticis , obijcientibus Ecclesiæ generales quosdam & communes abusos , qui in ipsa vel aliquando grassati sunt , vel hodiè grassantur ,

santur , respondent Catholici : Abusus illos, quantumvis generales & communes , non esse usus Ecclesiæ , sed quorundam privatorum abusus.

Solidissimè: Sed Catholicis hanc Responsionem eripis , Vir Amplissime ; si usus seu praxes in Ecclesia communes, dicas esse usus & praxes Ecclesiæ. Vide igitur quantis periculis, & Hæreticorum scandalis ac dictæ Ecclesiam exponas.

Ad aliud argumentum confugis : sed novâ difficultate solvendum.

## D I F F I C U L T A S   X X V .

„ **N**Equè Ritualia in suis Instructionibus , neque Episcopi in suis  
„ Decretis eam praxim præscribunt , quam docent mei isti in S.  
„ Facultate Collegæ : Igitur praxis, quam docent, admittenda non est.

Rectius nos , Vir Amplissime , argumentari non ita pridem docuit Eximius *Renardus* : cum ad simile argumentum respondit , virtuosè illic procedi ab Autoritate negatâ. Quare sic argumentandum fuisse : *Ritualia & Episcopi eam praxim re robant , Ergo non est admittenda* : Nul um porrò Rituale aut Episcoporum Decretum afferri posse ; quo ve prohibeatur, opera Pœnitentiæ quibus probetur conversio , antè absolutionem promiscuè exigere , ut exigunt tui Collegæ ; vel jubeatur peccator , recens à peccato commissio ( puta fornicator à commissâ recens fornicatione ) nullis præmissis Pœnitentiæ operibus , ut Tu doces, absolvi.

## C O N C L U S I O .

**H**Abes *difficultates* sat multas , Vir Amplissime , si respondere lubeat. Si non lubet : desine tandem tuam de *Conversione repentinâ & praxi communi* sententiam toties everfam , defendere ; alienam verò , tot argumentis stabilitam , accusare.

At non defines , scio : Facillimum quippè est tibi The-  
sibus tuorum quibus præsides , doctrinam tuam quotidie  
inferere ; nec multò difficilius eam adversus oppugnantes  
pro-